



**Broj: 13-11-4-5821/24**  
**Sarajevo, 20.09.2024. godine**

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22 i 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

**ODLUKU**  
**o izboru najpovoljnijeg ponuđača**

**I**

Za najpovoljnijeg ponuđača za javnu nabavku roba „Nabavka i ugradnja opreme za protivpožarnu zaštitu zgrade Općine Novo Sarajevo“, po provedenom postupku javne nabavke putem otvorenog postupka izabran je slijedeći ponuđač:

**ARCUS d.o.o. Sarajevo**  
**159.998,46 KM**

**(slovima: stotinupedesetdevethiljadadevetstotinadevedesetosam i 46/100 konvertibilnih maraka) sa uračunatim PDV-om**

**II**

Za izvršenje ove Odluke zadužuje se Služba za zajedničke poslove.

**III**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati

**IV**

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

**Obrazloženje**

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-5821/24 od 01.07.2024. godine

Procijenjena vrijednost javne nabavke sa PDV-om je: 160.000,00 KM (slovima: stotinušesdesethiljada i 00/100 konvertibilnihmaraka).

Obavještenje o javnoj nabavci broj: 935-1-1-131-3-211/24 od 05.07.2024. godine u 15:18 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Rješenjem Općinskog načelnika o pokretanju postupka javne nabavke broj: 01-30-5-8227/23 od 17.10.2023. godine i 01-30-5-8227-1/23 od 06.02.2024. godine

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da je do dana 25.07.2024. godine, pristigla ponuda sljedećeg ponuđača:

Red. broj	Naziv i sjedište ponuđača	Ukupna ponudena cijena sa PDV-om
1.	ARCUS D.O.O. SARAJEVO	159.998,46 KM

Komisija za javne nabavke roba, radova i usluga je, izvršila evaluacije pristigle ponude, te je konstatovala sljedeće:

Ponuda ponuđača ARCUS d.o.o. Sarajevo je prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti) zahtijevane u tenderskoj dokumentaciji.

Ugovorni organ je u skladu sa Pravilnikom o uspostavljanju i radu Komisije za javne nabavke („Službeni glasnik BiH“, broj 103/14) i Pravilnikom o imenovanju i radu Komisije za javne nabavke Općine Novo Sarajevo, broj: 13-02-1-253/23 od 11.01.2023. godine, te Pravilnikom o izmjeni Pravilnika o imenovanju i radu Komisije za javne nabavke Općine Novo Sarajevo broj: 13-02-1-253-1/23 od 05.01.2024. godine, a zbog činjenice da predmet javne nabavke zahtjeva specifično-tehničko ili specijalizovano znanje, koje nije dostupno unutar ugovornog organa, na prijedlog Komisije za javne nabavke roba, radova i usluga, imenovao vanjskog stručnjaka Zorana Dujkovića dipl.el.inž., ovlaštenog sudskog vještaka elektroenergetske struke, koji je izvršio pregled u dijelu ponuđenog materijala i opreme.

Na osnovu navedenog, dana 17.09.2024. godine, imenovani je dostavio nalaz u kojem navodi da dostavljena ponuda zadovoljava tehničke uslove propisane tenderskom dokumentacijom.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponudena cijena sa PDV-om
1.	ARCUS D.O.O. SARAJEVO	159.998,46 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ARCUS d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 159.998,46 KM (slovima: stotinupedesetdevethiljadadevetstotinadevedesetosam i 46/100 konvertibilnih maraka) sa uračunatim PDV-om, te da se ponuđaču ARCUS d.o.o. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVLJENO:

1. ARCUS d.o.o. Sarajevo
2. a/a



